

» se la ze questa. El serenissimo Mazor Conseggio el di 5 dicembre
 » con 545 voti ha comandà che ghe sia prodotta una sollecita pro-
 » posizion. El *sollecita* riguarda al tempo, la forma chiude la *pro-*
 » *posizion*. Questo no ze toglier diritti, ze un far uso della propria
 » facoltà. Dove se averà da portar sta *sollecita proposizion*? Non a
 » corpi separati, ma dove la ze stada comandada, al sovran della
 » Repubblica. Eccellentissimo signor, non turbo corpi, difendo la
 » libertà del Mazor Conseggio.

» Me se imputa, che a torto incolpo la serenissima Signoria de
 » inobbedienza? Sta imputazion, che me vien addossada, no la
 » regge col fatto; la stà mal colle stesse parole dell' eccellentissimo
 » consiglier. El mio eccitamento ze stà in Mazor Conseggio; el
 » Mazor Conseggio l' ha accolto, ha comandà. Per venerar i so co-
 » mandì ghe voleva esecuzion. Ze stà gnente in Mazor Conseggio
 » eseguido? Se l' eccellentissimo consiglier Bragadin no vegniva
 » a lezermè un decreto, nessun qua saveva gnente. No lo saveva mi.
 » Almanco in sto logo, el Mazor Conseggio gnente saveva. Per con-
 » vincer el mio eccitamento de falsa imputazion l' ha avudo bisogno
 » de far lezer una carta del senato. Ze sta donca disobbedido al co-
 » mando. No ze stà obbedido a modo suo; manco a modo del vero.
 » Se fa nel decreto una sola parola dell' eccitamento? No ghe ze
 » dipendenza de sorte dal Mazor Conseggio. La Signoria in quello
 » propona colla preponente sua facoltà. Sto decreto la lo averave
 » possudo propor avanti l' eccitamento, dopo l' eccitamento, e senza
 » anche che ghe fosse sta l' eccitamento. Donca la volontà del So-
 » vran no ze stada eseguida. Perchè la lo sia, el Mazor Conseggio
 » eccità, che ha comandà, che se versì su un affar, ha da saver con-
 » sumà l' affar stesso. De sto affar sto decreto zelo consumativo? El
 » dev' esser noto all' autor del comando. Donca anca nel senso stesso
 » della serenissima Signoria no se ha obbedio al Mazor Conseggio,
 » e manco se ha obbedido in senso mio. Vero, che da sto logo el
 » di 5 dicembre ho dito, ch' el Ser ato ha l' autorità delegada; che
 » questa intendo de ritenerla, de riservarla, ma ho dito anche, e ho